

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 90. Numeroso milite cinctus Lutetiam venit.

[urn:nbn:de:hbz:466:1-66281](#)

rum affecti erant. Quam ob rem iratum placare, quam fugientem insequi satius ducentes, Ludovicus Andegavensis Rex Siciliæ, Bituricum Dux Burgundi avunculus, aliqui Principes Ambianum contendunt, ut habito cum Duce colloquio de re componenda agerent. Dux quidem eo se contulit, valido tamen fatelli-
tio stipatus: ipsumque colloquium optato caruit exitu; cum enim Joannes Parvus Burgundi Advocatus, ex tribus, quos Dux secum adduxerat, Sorbonnæ Doctoribus unus Parricidii defensionem in se suscepisset, ac sicariam Ducis Aurelianensis cædem, veluti rem optimo jure factam elatius probasset, tantum absuit, ut Burgundus a Rege veniam delicti deprecaretur, quin potius proximis diebus Parisios accedere constitueret, facinus suum publice purgaturus.

Sæcul. XV.
A.C. 1408.

§. XC.

*Numeroso milite munitus Lutetiam
venit.*

Ducissa Aurelianensis, cum Blesis agens Maritum suum ex insidiis interfectum comperisset, Parisios venit unacum liberis suis, numero tribus, Carolo, Philippo, & Joanne, quorum natu major decimum quartum ætatis annum vix eges-

H 3 sus

Sæcul. XV. sus erat; illa ergo de Viri sui cæde pœnas sumi, lacrimis ac querula voce efflagitante, Rex quidem afflictæ Matri filiorum suorum tutellam detulit. Mariti tamen sui cædem se ulturum promittere non audebat, Dux Burgundiæ potentiam veritus. Infelix Vidua, postquam frustra Regis aures pulsabat, ipsumque Mariti sui sicarium proxime redditum intellexerat, cum liberis suis Blessum reversa est. Dux vero Burgundiæ, insuperhabitibus Caroli VI mandatis, qui ei Parisios accedere prohibuit, exeunte Februario anni millesimi quadringentesimi octavi octingentis Nobilibus, omnibus bene armatis, cinctus Lutetiam ingressus est. Quem Parisienses expansis ulnis porrectisque brachiis exceperant, spe fredi, se ab immodico tributorum jugo, quo Dux Aurelianensis eos oppressisset, ipsius ope liberandos. Quinimo ex Mezerajo discimus, ipsam Reginam, ac Principes omnibus intimæ amicitiae signis Burgundum perbenigne excepisse, nunquam tamen ab eo obtainere potuisse, ut Dux Aurelianensis parricidium palam confiteretur.

§. XCI.